

আমার সত্যপ্রিয়া

আমার সত্যপ্রিয়া

এ চিঠি তোমার জন্য ।

তোমাকে ছেড়ে এসেছি এগার মাস বার দিন

প্রতিদিন একটি করে চিঠি আর প্রগাঢ় ভালোবাসা পাঠাই

এ শহর উপছে পড়ছে হরেক রকম নারীশোভায় ।

কিন্তু আমি একটি ও বৌ দেখিনা একটি ও প্রেমিয়া দেখিনা

তুমি অনন্যা, তোমার ভালোবাসার বিস্তৃত পৃথিবীতে ।

তুমিহীন আমি বড়ো বেশী শূন্য ।

চোখ খুলে দেখি তুমি নেই আর সুখ নেই সুখ নেই

সুখের নদীতে জল নেই; আমি শুকিয়ে শুকনো মরুভূমি

জল দাও, জল দাও প্রিয়া

জল দাও মৌপ্রিয়া, আমার পিয়াসপ্রিয়া

মৌপিয়াসী আমি প্রতিদিন স্বপ্নবাসা বুনি

আর সকাল হলেই ব্যস্ত নগরী কেড়ে নেয় আমার স্বপ্ন

হাত বাড়ালে দেখি হাত শূন্য । কবে তুমি আসবে, লক্ষ্মীটি ।

তোমাকে ছেড়ে এসেছি ৩৪২ দিন ।

ঘুমের রাত নেমে আসেনি চোখে, শুধুই বিরহ ।

কেন এমন করে আমাকে দূরে ঠেলে পাঠালে, মৌপ্রিয়া ।

অভিমাণে বুক ভরে থাকে ।

টেলিফোন তুললেই তোমার বেদনা ভেজা কন্ঠ

আমাকে পাগল করে দেয় ।

আমি তোমাতে নিমগ্ন সোনা

আমি তোমাতেই বিলীন ।

তুলে নাও আমাকে প্রহরে প্রহরে তোমার অভিলাষে ।

তোমার প্রতীক্ষায় আমার সমস্ত হৃদয়টাই আজ এয়ারপোর্ট হয়ে গেছে

কবে তুমি তোমার সুরম্য জাহাজ নিয়ে

অপেক্ষার রান ওয়েতে থামবে ?

এক লক্ষ রজনী গন্ধা দিয়ে তোমার আগমণী পথ ভরে দেব ।

চাঁদের বরণশোভা সাজিয়ে আমি তোমায় তুলে নেব নির্গিমেষ ।

ইতি

তোমার প্রিয়ম

মৌ মধুবন্তী

জানু, ২০০৬

টরন্টো